



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАХАР ИЖТИМОЙ-СИЁСИЙ КУНДАЛИК ГАЗЕТАСИ

№ 200 (11.761)

Баҳоси эркин нарҳда

ПОЙТАХТНИНГ БИР КУНИ



Юртимизда ёшларнинг камил инсон бўлиб вояга етиши учун зарур барча шароитлар яратилмоқда. Жаҳон андозалари даражасида янги ўқув масканлари қад ростлаб, мавжудлари тўлиқ таъмирдан чиқарилаётгани ҳам ўғил-қизларимизнинг таълим-тарбия олишига пухта замин ҳозирламоқда.

2010 йил — Баркамол авлод йили

ЗАМОНАВИЙ ҚИЁФА КАСБ ЭТДИ

Шайхонтоҳур туманидаги Республика рассомлик коллежи Муस्ताқиллигимизнинг қутлуғ 19 йиллиги арафасида бутунлай янги қиёфада тўлиқ реконструкция қилиниб, фойдаланишга топширилди.

Халқимиз санъати қадимий анъаналарга бой. Юртимизда азалдан бадий ижод севиб-ардоқлаб келинган. Тасвирий ва амалий санъатнинг малакали мутахассиси бўлиб келаётган Республика рассомлик коллежида санъатшунослик, рангтасвир, графика, ҳайкалтарошлиқ, декоратив безакли амалий санъат каби бешта йўналишда 15 та ихтисос-

лик бўйича мутахассислар тайёрланади. Янги ўқув йилида ўқувчиларимизни бутунлай янги шароитда қутиб олди,— дейди коллеж директори ўринбосари Алишер Ҳураев. Коллежимиз замонавий тарзда таъмирдан чиқарилди, ўқув хоналари, спорт зали янги ускуналар билан жиҳозланди. Мутахассислик фанларида кафедра тизимига ўтирди, йўналишлар бўйича ҳам алоҳида кафедралар ташкил этилди. Бўлажак ҳайкалтарошлар учун лаборатория, бошқа махсус хоналар тахт қилинди. 840 нафар ўқувчига юздан зиёд ўқитувчи сабоқ бермоқда. Улар орасида академиклар, фан арбоблари, етук рассомлар, таниқли санъат усталари, ўз соҳасининг билимдонлари кўп.

Шу ўринда айтиб ўтиш жоизки, ушбу коллеж Ўзбекистон

тасвирий санъати тизимида ўзига хос муносиб ўринга эга. Бу масканда жаҳон тасвирий санъати ривожига муносиб ҳисса қўшган Р. Аҳмедов, А. Абдуллаев, Н. Кўзибоев, Р. Чориев, Б. Жалолов, Ж. Умарбеков, А. Мирзаев, Р. Худойберганов каби машҳур рассомлар тахсил олган. Коллеж Жанубий Корея, Вьетнам, Словакия каби бир қатор чет давлатлар билан алоқа боғланган. Ўзаро тажриба алмашиш, янгиликларни ўртоқлашиш янги-янгидек иқтидор ва истеъдодларни кашф этишга хизмат қилмоқда. Ўқувчиларнинг билим чўққиларини эгаллаш йўлидаги интилишлари кўплаб республика ва халқаро кўрик-танловлар, фестивалларда намоён бўлмоқда.

Бир сўз билан айтганда, Республика рассомлик коллежида тасвирий ва амалий санъат сарчашмаларини сабот билан ўрганиш учун ёшларимизга имкониятлар эшиги кенг очиб берилган.

**Шоира МУХАМЕДОВА
Козим Улмасов олган сурат.**

ЎЗБЕКИСТОН — ТУРКМАНИСТОН: ДЎСТЛИК ВА АҲИЛ ҚЎШНИЧИЛИК РИШТАЛАРИ МУСТАҲКАМЛАНМОҚДА

Ибтидоси олис асрларга бориб тақалувчи ўзбек ва туркман халқларининг муостаҳкам алоқалари бугунги кунда ҳам Ўзбекистон ва Туркменистон ўртасидаги самарали ҳамкорликда муҳим аҳамиятга эга. Давлатларимиз ўртасидаги муносабатлар ривожининг юқори суръатларига мисол тариқасида ҳамкорликнинг турли даражаларида сиёсий мулоқотлар олиб борилиши, томонларнинг савдо-иқтисодий йўналишдаги шерикликни ривожлантиришга интилишлари ҳамда маданий-гуманитар соҳадаги муостаҳкам алоқаларни келтириб ўтиш мумкин. Шубҳасиз, мамлакатларимиз раҳбарлари ўртасидаги илиқ ва ўзаро ишончга асосланган муносабатлар давлатлараро алоқаларнинг изчил ва самарали ривожига хизмат қилувчи асосий омиллардан бири саналади.

1991 йилдан буён шу кунгача 10 та олий даражадаги ташриф амалга оширилди — 6 марта Туркменистон Президентини Ўзбекистонга келди, 4 марта Ўзбекистон Президентини Туркменистонга ташриф буюрди. Ушбу ташрифлар чоғида қатор соҳаларда икки томонлама ҳамкорликни янада ривожлантиришнинг асоси бўлган шартнома ва ҳуқуқий база яратилди.

Туркменистон Президентини Гурбангули Бердимухамедовнинг 2009 йил февраль ойида Тошкентга, ўша йилнинг декабрь ойида эса Ўзбекистон Республикаси Президентини Ислам Каримовнинг Ашхободга амалга оширган расмий ташрифлари турли соҳалар бўйича ҳамкорликни фаоллаштиришга хизмат қилувчи қатор

Ўзбекистон ва Туркменистон азалидан тарихий ва маънавий илдизларининг умумийлиги, маданияти, анъаналари, урф-одатлари, қардошлиқ ришталари, тили ва менталитетининг яқинлиги ўзаро боғлаб турувчи яқин қўшни бўлиб, бугунги кунда икки томонлама муносабатларини кўп асрлик дўстлик, ўзаро ҳурмат ва ишонч, икки қардош халқлар томонидан шакллантирилган умумий манфаатлар ва эришилган ютуқлар асосида амалга ошириб келмоқда.

ҳужжатларнинг имзоланишига эришилганлиги билан икки томонлама муносабатларнинг ривожланишига алоҳида туртки берди.

Шу билан бирга, 2010 йилнинг июнь ойида Туркменистон Президентини ШХТ саммитида фахрий меҳмон сифатида қатнашиш учун Тошкентга ташриф буюрди.

Бундан ташқари, мамлакатларимиз ўртасида ҳукмат раҳбарлари ва аъзолари, шунингдек, ташқи сиёсий ва ташқи иқтисодий маҳкамалар ҳамда бошқа вазирлик ва идоралар етакчилари даражасидаги алоқалар давом этмоқда.

Халқаро ташкилотлар доирасидаги ҳаракатлар ва ёндашувларни ўзаро мувофиқлаштириш, шунингдек, кўплаб халқаро ҳамда минтақавий аҳамиятга молик долзарб масалалар томонларнинг манфаатларига хизмат қилади ва икки томонлама муносабатларнинг ривожланишига муҳим омил саналади. Хусусан, Тошкент ва Ашхобод халқаро терроризм, экстремизм, наркотрафик ва трансмиллий уюшган жиноятчилик каби таҳдидларга

қарши кураш билан боғлиқ масалаларда уйғун ёндашувларга эгадир. Жаҳон миқёсидаги конструктив ва самарали шерикчиликка мамлакатларимизнинг халқаро ташкилотлар, хусусан, Бирлашган Миллатлар Ташкилоти доирасидаги ҳамкорлиги мисол бўла олади.

Томонлар қўшни давлатлар ва халқаро тузилмалар иштирокида Ўзбекистон ва Туркменистон томонидан Афғонистон масаласида оид музокара жараёнини фаоллаштиришга йўналтирилган самарали механизملарни яратиш бўйича илгари сурилган ташаббусларнинг аҳамиятли эканлигини таъкидлаб келмоқда.

Ўзбекистон ва Туркменистон Марказий Осиёда минтақадаги барча мамлакатлар манфаатларини ҳисобга олиб, БМТ ва бошқа нуфузли халқаро ташкилотларнинг фаол иштирокида сув-энергетика муаммоларини халқаро ҳуқуқ ва умуммеъёрларни ўз ичига олган принциплар асосида кўриб чиқиш бўйича умумий ёндашувида содқидир.

(Давами 2-бетда).

Қарор ва ижро

ЭНЕРГИЯНИ ТЕЖАШ ЙЎЛИДА

Электр энергиясидан фойдаланиш самарадорлигини ошириш — бугунги куннинг энг долзарб вазифаларидандир. Бу мамлакатимизда амалга оширилаётган иқтисодий ислоҳотларнинг муҳим устувор йўналишини ташкил қилади.

Ўзбекистон Республикаси Вазирлар Маҳкамасининг 2009 йил 5 июнда қабул қилинган «Электр энергияси истеъмолини ҳисобга олиш ва назорат қилиш тизимини такомиллаштиришга доир қўшимча чора-тадбирлар тўғрисида»ги қарорига мувофиқ энергетика объектлари, барча ҳўжалик субъектлари ва маиший сектор истеъмолчиларини замонавий электрон ҳисоблаш приборлари билан таъминлаш давом этмоқда.

Ишлаб чиқаришда янги технологияларни жорий қилиш орқали энергияни тежаш сиёсатини босқичма-босқич амалга ошириш ҳамда мавжуд энергия ресурсларидан оқилона фойдаланиш ишлаб чиқарилаётган маҳсулот

таннархини пасайтириш ва иқтисодий ёт тармоқларининг техник-иқтисодий кўрсаткичларини яхшилаш имконини бермоқда. «Ўзбекэнерго» Давлат акциядорлик компанияси энергия йўқотишини ва электр тармоқларига хизмат кўрсатиш харажатларини камайтириш имконини берадиган электр энергиясини ҳисобга олишнинг замонавий электрон ҳисоблаш ускуналарини ўрнатиш бўйича самарали ишларни амалга оширмоқда. Шу мақсадда электр энергияси истеъмолини автоматлаштирилган ҳисобга олиш ва назорат қилиш бўйича махсус тизим ишлаб чиқилиб, амалиётга жорий қилинаётди.

(Давами 3-бетда).

МАМЛАКАТИМИЗДА

- **АВВАЛ ХАБАР ҚИЛИНГАНДЕК, ЎЗБЕКИСТОН РЕСПУБЛИКАСИ ПРЕЗИДЕНТИ ИСЛОМ КАРИМОВ ТУРКМАНИСТОН ПРЕЗИДЕНТИ ГУРБАНГУЛИ БЕРДИМУХАМЕДОВНИНГ ТАКЛИФИГА БИНОАН, 19-20 ОКТАБРЬ КУНЛАРИ РАСМИЙ ТАШРИФ БИЛАН УШБУ МАМЛАКАТДА БЎЛАДИ.**
- **Олий Мажлис Сенати ва Тошкент шаҳар ҳокимлиги ҳамкорлигида «Вояга етмаганлар ўртасида назоратсизлик ва ҳуқуқбузарликларнинг профилактикаси тўғрисида»ги Ўзбекистон Республикасининг янги Қонуни мазмун-моҳиятига бағишланган семинар бўлиб ўтди.**
- **«Камолот» ЕИҲ Марказий Кенгашида Республика «Камалак» болалар ташкилотининг VII раёсат йиғилиши бўлиб ўтди. Унда ташкилотнинг ўтган олти ой мобайнида эришган ютуқлари ҳамда мавжуд муаммолар таҳлил этилди.**
- **Каттакўрғон шаҳрида Президентимиз тақвимномасига биноан, Ўзбекистон Республикаси Олий Мажлиси Сенатининг 2010 йил 28 августда қабул қилинган «Ўзбекистон Республикаси мустақиллиги эълон қилинганлигининг ўн тўққиз йиллиги муносабати билан амнистия тўғрисида»ги Қарорининг ижросини таъминлаш масалаларига бағишланган семинар ўтказилди.**
- **Ўзбекистон Бадий академияси томонидан Тошкент Фотосуратлар уйида Таиланд Қироллиги маликаси Маха Чакли Сиридорнинг «Ўзбекистон ҳақида дoston» мавзусидаги фотокўргазмаси ташкил этилди. Ушбу кўргазмада намойиш этилаётган фотоасарлар Таиланд Қироллиги маликасининг юртимизга сафари пайтида яратилган ижод намуналаридир.**
- **Андижон шаҳридаги Қўшарик даҳасида замонавий тиббиёт мажмуаси фойдаланишга топширилди. Саломатлик институтининг вилоят филиали ҳамда қон қуйиш, ОИТСга қарши кураш ва тиббиёт ахборот-ресурс марказлари жойлашган ушбу мажмуа замонавий тиббий жиҳозлар билан тўла таъминланган.**
- **Фарғона вилояти Данғара тумани «Матлуботсавдо» акциядорлик жамияти томонидан Тўлабой, Қумқияли, Урганчи каби чекка қишлоқларда 17 та савдо шохбчаси фаолияти йўлга қўйилди. Ушбу мақсадлар учун жамият томонидан 250 миллион сўмликка яқин маблағ сарфланди. Таъкидлаш жоизки, ушбу шохбчаларда сотилаётган 250 хилга яқин озиқ-овқат маҳсулотлари ва халқ истеъмоли моллари, асосан мамлакатимизда ишлаб чиқарилган.**

ЖАҲОНДА

- **Франция, Россия ва Германия етакчилари «катта учлик» шаклидаги консултациаларни қайтадан бошлайдилар.**
- **Россия ва Польша газ етказиб бериш юзасида ҳукуматлараро битим лойиҳаси бўйича ўзаро келишиб олди.**
- **Афғонистон президенти Ҳамид Карзай бир неча хорижий кўриқлаш фирмаларига мамлакатда фаолиятини давом эттириш учун рухсат берди.**
- **Франция Соғлиқни сақлаш вазирлиги жорий йилнинг декабрь ойидан 15 ёшдан 70 ёшгача бўлган барча фуқароларга ОИВ (Одам иммунтанқислиги вирусига) қарши тиббий кўриқдан ўтишни тавсия этди. Мазкур текширув вазирлик томонидан ишлаб чиқилган ОИВ/ОИТСга қарши кураш миллий дастури доирасида амалга оширилади.**
- **Миср пойтахти Коҳира шаҳрида йирик йўл-транспорт ҳодисаси содир бўлди. Енгил машинанинг бекатда автобус кутиб турган одамларни уриб юбориши оқибатида воқеа жойида 11 киши ҳаётдан кўз юмган, 18 киши тан жароҳати олган. Фалокат ҳайдовчининг автомобилни бошқара олмай қолгани туфайли келиб чиққан.**
- **«National Geographic» жамияти томонидан ташкил қилинган экспедиция Ҳиндистон шимولي-шарқидида Аруначал Прадеш штатида илгари фанга маълум бўлмаган, хитой, тибет ва бирма тилларига яқин тилни кашф қилди. Қоро деб аталадиган ушбу тилда 800 га яқин одам гаплашар экан. Қоро дунё тилшунослигида қайд қилинган 6909 тил бўлди.**
- **Фарбий Европа мамлакатларида бўлиб ўтган «EuroMillions» лотерея ўйинида Британия фуқароси рекорд суммани ютиб олди. Таъкидлаш жоизки, 113 миллион фунт стерлинглик ютуқ нафақат «EuroMillions» тарихида, балки бутун Британия лотерея ўйини тарихидаги битта билет билан ютиб олинган энг йирик суммадир. Голибининг кимлиги ҳозирча маълум қилинмапти.**

ҚИСКА САТРАДАРДА

Тошкент шаҳар ҳокимлигининг Ахборот хизмати ва ўз муҳаббаримиз хабарларидан.

✓ **ТОШКЕНТ** автомобиль ва йўллар институтида ўқитувчилар ҳамда транспорт соҳаси мутахассислари иштирокида соҳани ривожлантиришда инновацион ғоялар ва технологияларнинг аҳамиятига бағишланган анжуман бўлиб ўтди.

✓ **ЮНУСОБОД** туманидаги 544-мактабгача таълим муассасасида таълим-тарбия соҳасида замонавий усуллардан кенг фойдаланиш масаласига бағишланган семинар уюштирилди. Тадбир доирасида муассаса тарбияланувчилари учун Республика кўғирчоқ театри жамоаси томонидан янги спектакль намойиш этилди.

✓ **ТОШКЕНТ** ахборот технологиялари университети қошидаги Мирзо Улуғбек академик лицейида «Тараққиёт йўлида Ўзбекистон ташаббуслари» мавзусида давра суҳбати уюштирилди.

